

Фитрат | Сийрат дарслари (320-дарс)

СИЙРАТ
дарслари 320-дарс

ISLOM.UZ

Сийрат дарслари Шайх Мұхаммад Содиқ Мұхаммад Юсуф роҳимаҳуллоҳнинг
«Бу – Расулуллоҳ соллаллоҳу алайҳи васаллам» таржима китоблари ва
“Ҳадис ва ҳаёт”нинг 19-жузъи асосида бериб борилади. Мавзуларнинг тўлиқ матни
билин танишиш учун китобнинг ўзига мурожаат этиш тавсия этилади.

19:00 / 07 марта 878

603. Абу Ҳурайра розияллоҳу анҳудан ривоят қилинади:

«Расулуллоҳ соллаллоҳу алайҳи васалламнинг: «**Фитрат бештадир; хатна; ҳаром тукларни тозалаш; қўлтиқ** (остидағи мўй)ни юлиш; мўйлабни қирқиши; тирноқларни олиш», деяётганларини эшилдим».

Бухорий ва Муслим ривоят қилишган.

«Фитрат» сўзи бу ўринда «канбиёлардан суннат бўлиб келаётган покланиш» маъносини билдиради.

604. Анас ибн Молик розияллоҳу анҳудан ривоят қилинади:

«Биз учун мўйлабни қайчилас, тирноқларни қисқартиш, қўлтиқ (остидағи мўйлар)ни юлиш ва қовуқни қиришни қирқ кечадан кўпга қолдирмаслигимизга муддат белгиланган».

Муслим ривоят қилган.

605. Абдуллоҳ ибн Умар розияллоҳу анҳумодан ривоят қилинади:

«Расулуллоҳ соллаллоҳу алайҳи васаллам: «**Ким ўзига бино қўйиб кийимини судраб юрса, Қиёмат куни Аллоҳ унга назар солмайди**», дедилар. «Эй Аллоҳнинг Расули, кийимимнинг бир тарафини ушлаб юрмасам, бўшаб, осилиб қолаверади», деди Абу Бакр. «**Сен буни ўзингга**

бино қўйиб қилмайсан-ку!», дедилар».

Бухорий ва Муслим ривоят қилишган.

606. Абдуллоҳ ибн Умар розияллоҳу анҳумодан ривоят қилинади:

«Расулуллоҳ соллаллоҳу алайҳи васаллам: **«Ким манманлик билан кийимини судраб юрса, Қиёмат куни Аллоҳ унга назар солмайди»,** дедилар».

Бухорий ва Муслим ривоят қилишган.

«Расулуллоҳ соллаллоҳу алайҳи васаллам» китобидан

Ушбу китоб Ўзбекистон Республикаси Дин ишлари бўйича қўмитанинг 2022 йил 30 ноябрдаги 03-07/9078-рақамли хulosasi асосида чоп этилган.